

Ffurflen ymateb i ymgynghoriad

Cwblhewch y ffurflen hon yn llawn a dychwelwch hi i planofwork@ofcom.org.uk.

Teitl yr ymgynghoriad	Ymgynghoriad: Ofcom yn cyhoeddi ei Gynllun Gwaith arfaethedig ar gyfer 2026/27
Enw llawn	Hywel Iorwerth
Rhif ffôn cyswllt	03456033221
Yn cynrychioli (dileer fel y bo'n briodol)	Sefydliad
Enw'r sefydliad	Comisiynydd y Gymraeg
Cyfeiriad e-bost	Hywel.iorwerth@cyg-wlc.cymru

Cyfrinachedd

Byddwn yn gofyn am eich manylion cyswllt ynghyd â'ch ymateb er mwyn i ni ymgysylltu â chi ar yr ymgynghoriad hwn. I gael gwybodaeth bellach am sut mae Ofcom yn trin eich gwybodaeth personol a'ch hawliau cyfatebol, gweler [Datganiad Preifatrwydd Cyffredinol Ofcom](#).

Eich manylion: Byddwn yn cadw eich rhif ffôn cyswllt a'ch cyfeiriad e-bost yn gyfrinachol. Oes unrhyw beth arall rydych eisiau ei gadw'n gyfrinachol? Dileer fel y bo'n briodol.	Dim byd
Eich ymateb: Nodwch faint o'ch ymateb rydych eisiau ei gadw'n gyfrinachol. Dileer fel y bo'n briodol.	Dim byd
Ar gyfer atebion cyfrinachol, a all Ofcom gyhoeddi cyfeiriad at gynnwys eich ymateb?	Gall

Eich ymateb

Cwestiwn	Eich ymateb
Cwestiwn 1: A oes gennych unrhyw sylwadau ar Gynllun Gwaith arfaethedig Ofcom ar gyfer 2026/27?	Cyfrinachol? – N Rydym yn croesawu'r cyfle i ymateb i'r ymgynghoriad hwn ar gynllun gwaith arfaethedig Ofcom ar gyfer 2026/27. Efallai eich bod yn ymwybodol o ganfyddiadau adroddiad diweddar gan Gomisiynydd y Gymraeg ar ddefnydd plant a phobl ifanc o'r Gymraeg. Mae'r ymchwil yn dangos bod defnydd plant a phobl ifanc o'r Gymraeg yn y byd digidol yn gyfyngedig ar y cyfan. Ymddengys mai'r tueddiad ymysg plant a phobl ifanc yw defnyddio'r Saesneg ar-lein, ar gyfryngau cymdeithasol, ac wrth wyllo teledu a chynnwys digidol. Rhan o'r rheswm am hyn yw diffyg amlygrwydd a phresenoldeb cynnwys cyfrwng Cymraeg ar y teledu, ar blatfformau ar-lein ac ar y cyfryngau cymdeithasol. O ystyried pwysigrwydd y cyfryngau digidol a chyfryngau cymdeithasol ym mywydau pobl ifanc heddiw, mae cynyddu defnydd o'r Gymraeg yn y meysydd hyn yn allweddol o safbwynt hyfywedd y Gymraeg i'r dyfodol. Mae angen felly ystyried beth yn fwy y gellid ei wneud er mwyn annog defnydd y Gymraeg yn y meysydd hyn, a sut gellid newid agweddau ac arferion siaradwyr Cymraeg ifanc. Rydym o'r farn fod gan Ofcom rôl bwysig yn y cyd-destun uchod. Fel corff sydd â dylanwad sylweddol yn y maes hwn, credwn y dylai Ofcom annog darlledwyr a llwyfannau digidol i gynyddu presenoldeb a gwelededd cynnwys Cymraeg. Yn y cyd-destun uchod rydym yn hynod falch bod Ofcom eisoes wedi ymrwymo i gydweithio â Chomisiynydd y Gymraeg er mwyn cynnal digwyddiad bwrdd crwn ar ddefnydd y Gymraeg ym maes darlledu a chyfryngau digidol ym mis Mawrth, 2026. O ran y cynllun gwaith dan sylw rydym yn falch o weld bod y cynllun yn cynnwys ymrwymiad clir i barhau i hwyluso'r defnydd o'r Gymraeg ac i gynnal asesiadau effaith ar y Gymraeg wrth lunio polisiau, yn unol â rhwymedigaethau statudol Ofcom o dan Fesur y Gymraeg (Cymru) 2011. Rydym hefyd yn croesawu cyfeiriad at gynnwys

Cwestiwn	Eich ymateb
	Cymraeg fel rhan o'r canlyniadau disgwylidig i gynulleid-faoedd Cymru wrth weithredu'r Ddeddf Cyfryngau newydd. Er ein bod yn croesawu'r cyfeiriadau cyffredinol hyn at y Gymraeg yn y cynllun gwaith, credwn y byddai modd cryfhau'r cynllun drwy gyfeirio at y Gymraeg wrth drafod blaenoriaethau strategol a rhaglenni gwaith penodol. Byddem yn eich annog felly i ystyried sut gellid ymgorffori ystyriaeth o'r Gymraeg ym mhob un o'r pedair blaenoriaeth strategol, er enghraifft drwy sicrhau bod rhaglenni ymwybyddiaeth o'r cyfryngau, diogelwch arlein, a chynnwys digidol yn ystyried anghenion siaradwyr Cymraeg. Yn fwy penodol: - Fel rhan o'r gwaith i ddeall effaith deallusrwydd artiffisial ar brofiad defnyddwyr ym maes telegyfathrebiadau (blaenoriaeth strategol 1), dylid ystyried profiadau siaradwyr Cymraeg yn benodol. - Mae blaenoriaeth strategol 2 yn cyfeirio at sicrhau bod cynulleidfaoedd yn gallu canfod a chael gafael ar amrywiaeth eang o gynnwys sy'n cynrychioli amrywiaeth gwledydd a rhanbarthau'r DU. Mae pwynt 2.12 y ddogfen ymgynghori sy'n trafod amlygrwydd a hygyrchedd a'r bwriad i gyhoeddi cod ymarfer terfynol yn 2026/27 yn berthnasol iawn yn y cyd-destun uchod. Mae cyfle amlwg i gyfeirio at sicrhau hygyrchedd ac amlygrwydd gwasanaethau a chynnwys cyfrwng Cymraeg yn y cyd-destun hwn. Mae rôl allweddol darlledwyr gwasanaethau cyhoeddus yn cynnig darpariaeth a chynnwys cyfrwng Cymraeg yn bwysig iawn yn y cyd-destun hwn. - Mae pwynt 2.14 y ddogfen ymgynghori yn cyfeirio at rôl Ofcom yng nghyd destun adolygiad o siarter y BBC yn 2026/27. Fel y gwyddoch mae gan yr adolygiad hwn oblygiadau pwysig o ran darlledu Cymraeg ei hiaith. Mae darlledu cyfrwng Cymraeg yn ddibynnol ar wasanaethau darlledu a ariennir gan y pwrs cyhoeddus. Byddem felly yn annog Ofcom i ystyried materion yn ymwneud â darlledu drwy gyfrwng y Gymraeg fel

Cwestiwn	Eich ymateb
	rhan o'i waith o ddarparu mewnbwn ac arbenigedd i'r drafodaeth arwyddocaol hwn. • Mae blaenoriaeth strategol 3 yn cyfeirio at bwysigrwydd diogelwch ar-lein. Mae cyfle yma i integreiddio ystyriaethau iaith Gymraeg i waith diogelwch ar-lein Ofcom. Mae angen ystyried sut mae modd amddiffyn defnyddwyr sy'n siarad Cymraeg rhag cynnwys anghyfreithlon a niweidiol ar lein. Mae hwn yn faes lle mae angen rhagor o ymchwil a dealltwriaeth. • Byddem hefyd yn eich ango i ystyried sut gall Ofcom ddefnyddio ei gapasiti ymchwil i arwain trafodaethau ac ymyriadau polisi ym maes darlledu, cyfryngau digidol a'r Gymraeg. Gobeithio bod y sylwadau uchod o ddefnydd ac rydym yn edrych ymlaen at barhau i gydweithio er mwyn sicrhau bod y Gymraeg yn cael sylw ym mhob agwedd ar waith Ofcom.

Cwblhewch y ffurflen hon yn llawn a dychwelwch hi i planofwork@ofcom.org.uk.